

玉皇心印妙經

上藥三品。神與氣精。恍恍惚惚。
杳杳冥冥。存無守有。填刻而成。
回風混合。百日功靈。默朝上帝。
一紀飛昇。知者易悟。昧者難行。
履踐天光。呼吸育青。出立人批。



75

70

65

60

若亡若存。綿綿不絕。固蒂深根。
人各有精。精合其神。神合其氣。
氣合體真。不得其真。皆是強名。
神能入石。神能飛形。入水不濁。
入火不焚。神依形生。精依氣盈。
不凋不殘。松柏青青。三品一理。

妙不可聽。其聚則有其散。則零。
七竅相通。竅竅光明。聖日聖月。
照耀金庭。一得永得。自然身輕。
太和充溢。骨散寒瓊。得丹則靈。
不得則傾。丹在身中。非白非青。
誦持萬遍。妙理自明。終。

般若波羅蜜多心經

觀自在菩薩行深般若波羅蜜
多時照見五蘊皆空。度一切苦
厄。舍利子。色不異空。空不異色。
色卽是空。空卽是色。受想行識
亦復如是。舍利子。是諸法空相。

不生不滅。不垢不淨。不增不減。
是故空中。無色無受想行識。無
眼耳鼻舍身意。無聲色香味觸
法。無眼界。乃至無意識界。無無
明。亦無無明盡。乃至無老死。亦
無老死盡。無苦卽滅道。無智亦

無得以無所得故。菩提薩埵依
般若波羅蜜多故。心無罣礙。無
罣礙故。無有恐怖。遠離顛倒夢
想。究竟涅槃。三世諸佛。依般若
波羅蜜多。故得阿耨多羅三藐
三菩提。故知般若波羅蜜多。是
大神咒。是大明咒。是無上咒。是
無等等咒。能除一切苦。真實不
虛。故說般若波羅蜜多咒。卽說
咒曰。揭諦揭諦。波羅揭諦。波羅
僧揭諦。菩提薩婆訶。

觀音夢授經。

南無觀世音菩薩。南無佛。南無
法。南無僧。與佛有因。與佛有緣。
佛法相因。常樂我淨。朝念觀世
音。暮念觀世音。念念從心起。念
佛不離身。天羅神。地羅神。人離
難。難離身。一切災殃化爲塵。摩

訶般若波羅蜜

以上三卷經典。乃是骨髓真經。
誦者可以消冤解孽。超渡鬼魂。
修者亦可成聖成賢。成佛成仙。
皆以此經爲証也。

劉謝氏遵善子刻板

南宮城內文昌街齊兆鳳捐銅元一吊

趙門宋氏捐銅元一吊

張齊氏捐銅元一吊

郭劉氏上錢一千文

白洛奚上錢一千文

真善子 施錢三百文

楊永振施錢一千文

李段氏施錢三百文

長新成印施三百文

風陵文庫

文庫19

F 262

